喪

服

會

通

說

喪服圖說下卷三 臣服君及從服十一條說十四 為人後者服五條說十三 大夫大夫之子服十三條說十二 君與公族服七條說十 喪期表說十六 妾服君之黨及私服八條說十五 大夫宗圖說十 喪位表說十七 **松**出日鉄

喪服圖說下 大夫宗圖 爲之後者宗子得盡屬其始爲大夫者之子孫以 大夫之廟故大夫廟皆世爲大夫者不爲大夫則廢 爲大夫者之廟世世祭之也其義本於諸侯之子爲 大夫以上父子昆弟異等大夫不敢禰君士不敢祔 **做焉後世族姓其原皆出於此** 大夫者君命之族使世祀此公子而庶姓有世滁者 **八夫祖之祀矣君賜之族則非有罪至於廢族必有** 南豐吳嘉興學 始

四世始有今 世世世世 為繼為別沒别別謂 宗別祖子 子子之 順嗣君

皆百世不遷自其爲別子者始何以謂之別子也傳口 五世以下太祖廟祭世世遷主祖廟 說日小宗繼禰大宗繼祖士之繼王父者即大宗也所 諸侯之子稱公子公子不得禰先君公子之子稱公孫 謂五世而遷者亦大宗也大夫以上有世祿者其大宗 記日公子有宗道公子之公為其士大夫之庶者 宗其昆弟如士大宗之屬其族也昆弟皆不在則 宗其士大夫之適者葢古者諸侯貴其毋弟使之 亦祖遷而宗易矣。 - CA111 禪廟

其名則公子也公孫不得祖諸侯其名則公孫也君曰 必俟其至親之道盡然後使之別焉公子不得禰先君 於卑者也自尊別卑自卑別尊皆謂之別子然則子有。 有封為國君者則世世祖是人也不祖公子此自尊別 公孫不得祖諸侯此自卑別於尊者也若公子之子孫。 是先君之子孫也吾不敢異焉公子公孫則日吾與國 至公孫之子則君合族之道盡矣記曰五廟之孫祖廟 八皆臣也是故君合其族族不敢戚君各盡其義爲爾 1別於其父孫有自別於其祖者乎無有也先王之制。 一人人

為氏若魯無駭是也無駭公子展之孫也沒而後請族 此也有君命之氏以合族而後世世祭公子謂之公族。 是公孫之子沒乃別族也故曰別子爲祖繼別爲宗以 素貴而已公孫之子又為大夫則必命之族以公子字 未毀列於庶人葢公子無位同之大夫公孫則同之士 否則其遷廟也同乎士庶人後世有世為大夫者君命 廟則不得祭故公子公孫為大夫稱公子公孫從其所。 公孫之子無位同之庶人矣士一廟得祭公子庶人無公孫之子無位同之庶人矣士一廟得祭公子庶人無 族自其初為大夫者始祭不及公子亦不謂之公族 个名 二

散公子子孫始為國君必祭公子至封君之孫乃不祖 父與王父者記曰父為士子為天子諸侯則祭以天子 諸侯其尸服以士服是天子諸侯祭其父之為士者也 **尊之別於卑亦必於其三世凡始封之君未有不祭其** 命之苟不三世則無族凡別子與有世功者已命之族 矣春秋之世列國大夫同姓者不皆謂之公族也其自 **旭百世不遷族人亦百世事其廟此所謂磐石之宗也** 其後雖替非以罪廢族必有守其宗祀者其始受氏之 庶姓有世功者以其世功爵邑為族亦必於其三世乃 アイニ

義如此至親之道無尊卑一也非其至親則先王之制父與王父乎故曰必俟其至親之道盡然後使之別其 父而臣昆弟封君之孫盡臣諸父昆弟族之屬且然咒 公子傳日始封之君不臣諸父昆弟封君之子不臣諸 士同自王父以上大宗則有遠近焉 乃有所不得為矣是故自仁率親自義率祖小宗君與 26111

君與公族服 章 · 公之庶昆弟爲母妻 功士の古市未てるとまるります。一章公為適子之長殤中殤稱公者等 君服所不敢降者。
君服所不敢降者。
及乃為之說 大夫以上服之進退不盡以親疏爲列故不可圖也 君為姑姊妹女子子嫁於國君者與己同 公族服得與大夫大夫之子同者 按公在公子為其母練冠麻麻衣線緣為其 * // AK-11.1

皆同大夫是公族視大夫也然無三族親服夫義有 章 為從父昆弟庶孫姑姊妹女子子適士者傷章為其昆弟庶子姑姊妹之長殤 口喪服見君之服二見公之昆弟服五公之昆弟服 皆為其從父昆弟之為太夫者皆者皆上文大夫 為姑姊妹女子子嫁於犬夫者 子之 服內凡公子於父在皆不敢私服喪。 **線冠葛経帶麻衣線緣皆旣葬除之此不在**

故族 公族有罪死者君猶為之變如其倫之喪親往哭之是 知君所以合族之道矣記曰庶子正公族其公大事則 序也君於族之喪皆無服然其所以為之變必以士之 無服亦使同國人有善衆舉之有罪衆棄之其道自 者同國 喪服爲其倫也其詘焉不爲之服者治國之道當使規 | 喪服之精麤為序雖於公族之喪亦如之以次主 而略遠者未有詳遠而略近者故觀公之昆弟服 人為君皆斬衰然其序喪也必以士之喪服為其 人也故國人爲君齊斬同於至親則君於至親

之庶子始長子君之貳也君為之斬庶子國人也君 親親之道君之親親同乎士其服之道則以爲國詘族 之無服鈞是子也其降之相絕如此矣公之昆弟於君 夫公之昆弟服喪不至期非惟先君**僚**尊之所厭而! 至親其三族之近者皆與君同之喪服不言者爲其從 於先君之子孫親之當如其子孫故爲公族者無自 自相親親也不敢異乎君其服之道又以事君訓。 亦無服也蓋公之昆弟名之日公子繫之先君矣君 小岩與世子期則其於他服不敢至期故爲母妻期 えた三

之公有司治之衆人醜君不敢有過焉雖於其子亦然 是其所自爲服而已若三族之喪亦君之三族君親臨 **微雖欲為親服其道固有所不可也爲母妻大功以爲**。 是無以尊小君也爲子期是無以尊世子也地運則嫌 治也故得私為服至於姑姊妹下嫁與從父昆弟皆遠 君於昆弟之子循庶子也公之昆弟於君之庶子無服 成人與親者乎君為內女嫁國君者如士服故君 敢自服其子乎惟其爲殤者不成爲喪公有司所不預 於君矣故得自如其等為之服不然則禮何以反遺其 NA TITE

大夫之庶子為適昆弟降其適· 将首大夫之適子為妻降適婦· 不杖大夫之適子為妻明大夫不 大夫大夫之子服 大夫之服有降有不降分列之使觀者易審焉 大夫為祖父母適孫為士者此獨言士 大夫之子為世父母叔父母子昆弟昆弟之子 大夫所不降者。 其尊同者。明大夫不降 姊妹女子子無主者爲大夫命婦者唯子不報 7 AL 11 1

殤章大夫之庶子爲適昆弟之長殤中殤無受大夫爲宗子曾祖父母爲士者王父之邁 **殤章大夫庶子為適昆弟之下殤 文功皆爲其從父昆弟之爲大夫者** (1) 大夫為世父母叔父母子昆弟昆弟之子為士 大夫為適子之長殤中殤 大夫大夫之子為姑姊妹女子子嫁於大夫者 大夫所降者 禮雖 不不作

章,大夫大夫之子爲從父昆弟庶孫姑姊妹女子子 殤章大夫大夫之子為其昆弟庶子姑姊妹女子子之小功大夫大夫之子為其昆弟庶子姑姊妹女子子之 降之道皆自其庶子始矣降庶子所以重其世也君世 **| 君降其庶子使同國人大夫降其庶子使異等凡** 中庸言期之喪達乎大夫謂祖父母適孫也若三 家於親喪之道爲不備矣 族算同者祇言大夫之子蓋大夫不服喪於人之 長殤 適士者 - 1.1 CASE - -九

之祭也父爲三年長子之服也長子之生也擇士而接 故筵於東序長子之冠也饗婦降自阼長子之昏也死 子將爲君其庶子爲之臣降之使絕服大夫世子爲大 授之長子士且然光士以上乎先王制禮皆以貴長子 於適室殯於咋朝於祖長子之喪也嗣舉奠登纂長子 夫其庶子為士降之使事其長立適以長自天子下達 之與庶子異牲自其初而父已素貴之矣家國之道必 長子所受父愈重其貴之亦愈重故喪服以舒降夫父 重其世降其庶子斯子不敢不重其適昆弟而降其庶 147 ==

大夫安敢降降其衆子焉爾再世爲大夫其諸父循 世乃得盡降之初命爲大夫其諸父昆弟父所不降也 以降之者則有漸凡降之道成於廟大夫三廟三世嗣 昆弟矣其孫叉不敢不重其宗降其諸父以下矣古之 爲大夫君命之族矣而後廟之道成其降三族也亦三 所不降也子安敢降從降其昆弟焉爾何以知其然也 大夫於其三族等不同者皆降其道自此始矣若其 始封之君不敢臣其諸父昆弟而况大夫乎故曰父 所服子不敢不服父之所不服子亦不敢服以 1/32-1-1

者失之古之所謂貴者非徒貴於行道之人而已必貴 之爲大夫者葢皆其大夫與不爲大夫之昆弟昔之說 從其昆弟之為大夫者而不降昆弟皆為其從父昆弟 大夫之子父在則從父降父不在庶子當自服如邦 也衆昆弟與從父昆弟同大功是不親親也故昆弟相。 於其所天屬者故使父兄臣其子弟能臣其子弟可以。。。。 爲服猶從其昆弟之爲大夫者而降與大夫尊同亦皆 不敢不自相降其衆昆弟若衆昆弟相爲期是不重適 惟於其昆弟不然父雖不在不敢不宗其適昆弟故亦 ア発ニー

貴之有焉先王建大宗猶喬木也久則枝蕃而本愈固。 詩日本支百世此之謂也 賤之道猶積壤焉耳崇之則使至高隳之則使至下何 子昆弟相等夷而欲異之於其遠者安可得哉後世貴。 臣衆矣其教之爲臣使之先事其父兄能事其父兄者。 紊也夫物莫不自知分必自其父子昆弟間始矣使父 可以事人矣自其居處服物皆使之辨等故不可得而 一焉使至於無窮雖斧斤伐之其類不可得而盡也 八卷主 The second second

為人後者服 斯夏為人後者 世士庶人無子以昆弟之子爲子者比也故次之君 爲人後者嗣守家國之義自世祿以上有之非如後 大夫服後。 為所後者服。 傳曰為所後者之祖父母妻妻之父母昆弟昆 後者當視其世適不待著也且爲人後者上 弟之子若子喪服不一著者適子爲父後爲 1/2/11/1 1

殤章為人後者為其昆弟之長殤小功為人後者為其是弟 章 為人後者為其昆弟 期章為人後者為其父母報不杖為人後者為其父母報 ·功為人後者為其姊妹適人者 為其本親服。 所後者爲之義矣。 天子下至世祿之士於旁治者或絕或降爲後 者皆如之但以所後者為重則其餘可知矣。 按為其本親降者止於同小宗小宗以外皆以 大先!

以上有族姓世祿者乃有之君命之族謂之有後傳 雖無子必有為之後者父以長子為後猶必見之君與 說曰古之爲人後者非其自爲之也有君命爲惟命士 卿大夫而立之兄非其子乎故宗子死無後族人擇一 **衰為喪主稱孤家與國同也楚圍之立也赴於鄭應爲** 爲後者卜於廟告於君得請而後成喪其爲後者皆斬 不然死且無後是也不命之族則有子而無後命之族 後何以勸善魯成季以君命酖僖叔曰飲則有後於國。 孫達其有後於魯是也廢族謂之無後傳曰子文無 1/4K1++ ¥ 大小大学 一年の一年の日本の日本の

家國者以世相授受雖一日而不可不存其世也長子 死立孫存長子之世謂之爲祖後及其卒而孫服爲後 子天之命也父不得專以子與人人不得專取人之子。 告鄰國僖得不稱閔爲先君乎凡大宗之義若此矣父 秋青之日子雖齊聖不先父食僖可父閔乎然祭宗廟 與子受父等魯僖公閔之兄也躋僖於閔謂之逆祀春 之辭必稱其倫所以爲後者既爲後任所後者之事皆 後之辭曰寡大夫圍伍舉更之曰共王之子圍凡爲後 宗者君賜之族不可廢故使之後其宗廟焉爾嗣 7 7 TH

孫昆弟昆弟之子爲後無親者宗人爲後宗人視其可 宗人君子曰遠而道義豈有定哉先王名之曰爲人後。 子立弟有適子適孫立庶子君子曰近而逆無親者立。 之後也爲後之辭各從其親服所後者皆如子今夫有 爲後之服兄其爲子孫者乎夫必有所可後然後謂 爲後者必有所受命乃得爲之後爲之後則與所 服其名猶祖也由是推之子孫皆卒曾孫爲後無了 其義出於至公雖舜受堯之天下服堯三年之喪亦 而已苟不至於以罪廢族或大宗皆無族必將有爲 不多主 逝

爲服莫敢不從服以與先宗子爲一體也先宗子與祖 世皆祖也大宗之道自王父始爲人後者親其父母不 則當以所後者之倫爲疏戚蓋王父謂之祖以至於百 奪其父母乎是故父母之名<u>不可易也凡王父母之</u>屬。 雖 廟雖至親以期斷故爲人後者爲其父母期於其同父。 爲 出者必服之以不可奪親也同父者且不奪之況可 一統自親其王父母乃爲一統矣於其宗子宗娲所 體自上世以來一 體敬其所尊不敢有異尊愛其所親不敢有異親。 也斬衰以事宗廟也不事其宗

奚以繼其一世者為哉彼所後者旣爲君與宗子矣雖 故繼先宗子以繼祖也大宗嘗以始有家國者爲義而 無子憂廢其世乎 1/1/2/2/11

服公大夫士君	章。諸侯之大夫為天子	章 諸侯為天子	服天子	華 君	臣爲君通服	主大夫君茲為之條別如左	古自天子公大夫士皆君也喪服謂之十	臣服君及從服
1.6							八服謂之士禮英辭多	

期章 為 夫之君 無受為舊君君之母妻 疏哀 章一公大夫士之衆臣為其君布帯繩屢斬衰 無受寄公為所寓疏衰 為君之父母妻長子祖父母 服國君。 服大夫士君 庶人為國君 大夫在外其妻長子爲舊國君 先三

君其家父教子授之業而已故先之以體仁使人 無士 賢君善治其國賢君不可常有也故立喪祭使人 日君天下不能獨治是故聖人使人自君而已昔者。 、善治天下聖人不可常有也故**建國使**人自君其 君為臣服。 大夫為舊君為士者如衆 爲貴臣 八一也物未有無父而生者為父之服以之 **1** 22 111

於家也如其臣於國臣於國者退而失職則或臣於家 之君我猶天子也易曰家人有嚴君焉父母之謂也天 仕於家有委贄服從之義進不害其為國臣然當其臣 自天子以逮公大夫士皆然此聖人之敎也語曰一心 為臣然後天下之人莫敢不忠於所事者臣爲君服斬 以治近先王之道使凡所事者皆爲君凡有所受職皆 為君故君猶之父也君天下至尊也服同之為父故父 子尊之至父親之至至親則不可以治遠至尊則不可 可以事百君聖人之教事君使之一其心而已古者士 7

爲士者如衆人傳失其義以舊君爲國君夫國君則 **鲁事之雖已爲大夫不敢廢事之之道厚之至也大夫** 也雖同爲士者亦然喪服大夫為宗子舊君曾祖父母 當次宗子後矣宗子舊君與曾祖父母皆為士者也舊 後世恥以士大夫相爲屬是以喪服之說幾於難通蓋 君妻長子服猶之大夫服焉爾大夫失位去國無君。 服舊國君喪服言之矣日大夫在外其妻長子爲舊 不敢反已仕則不敢有二君故使其妻長子為舊君 **下之患莫大於恥爲人屬恥爲人屬則亦不能屬** 1/1/11/11 國

之矣國君尊雖至親絕其等家之臣使同之父子兄弟 君之父母妻長子祖父母期是同於子也此於其大夫 御也内宗為君夫人服斬外宗亦如之諸侯之夫人 内宗外內女之有虧者外命婦大夫之妻內命婦 於其從服見之妻為夫之君期是從服君如父也臣為 相承而不替也然則家與國之君何以別乎日喪服別。 如外宗之爲君也又日外宗爲君夫人猶內宗也外宗 而衆散矣夫上有所受治而下以治人此天下之所以 一之君然也國君則不然傳曰諸侯為天子三年夫 則嬪

也凡君所為斬其臣亦皆斬君無服則臣亦不敢服故 庶不敢服也諸侯如山岳莅其所可臨者封以內男女 士之爲君一 事天子其心必無以異也故斬衰三年自天子以至於 服總如其外兄弟焉若夫忠於所事者則事士之君與 皆服之大夫如宮室其所庀也士則幾於夷矣爲貴臣 天子之於天下其尊猶天然天下之君爲之服斬其臣 天子亦如之蓋同受其虧命夫婦皆為臣矣其從君服 日違者去其國焉爾去國無君命則固不可以反也違 也傳曰違大夫之諸侯不反服則如之 /ak1141

國君服也故曰大夫在外言其不失為大夫也此反服諸侯之大夫則已降於舊等雖妻長子在國亦不敢為 義心。 一分に

期 章 公妾大夫之妾為其子 章 期章妾為女君 妾服君之黨及私服 **放觀喪服所特見者則知其所不見者皆避女君也** 妾服異於邦人以其從女君又不敢不避女君之位 次於諸服末。 麦為君 正服。 服君之黨 Water 1

毋而已其他爲君之庶子與其子則不及士妾傳曰 章麻士為貴妾 **鸠竟公妾以及士妾為其父母 争为大夫之妾為庶子適人者 夢**章大夫之妾為庶子之長殤小功 **办大夫之妾爲君之庶子** [喪服言士妾之服同於大夫以上之妾者爲其父 私服 為妾服 (老三二

與羣有服者齒也傳所謂與女君同也喪服所謂大夫 記日君大夫馮父母妻長子不馮庶子士馮父母妻長 同何也先王之辨喪服非徒以列親疏之等而已將使 爲君之黨服得與女君同又曰妾爲君之長子與女君 子不得自為親矣是故士之妾不自名服其子也女君 序位凡妾服君之黨以為事女君不敢異服焉耳非敢 大夫庶子異等父母卑遠之故女君之所親妾雖其 妾為其子與君之庶子則其位得與羣有服者齒也。 ·庶子君大夫於庶子嚴矣士之子皆同等父母皆 11111

其親服弔使妾預治其喪故大夫之妻服其女子子嫁 婦歯 敢與諸婦齒其服喪也比於內御者而已大夫妻與命 庶于服也並后匹適禮之大戒也士妻與諸婦齒妾不 於大夫者使妾服其適士者同為服也而安可一概論 等之內賓客則妾爲之拜也庶子適人者死則女君以 之所不親妾皆得親之是故公大夫之妾名其爲君之 不臨則妾為之哭也大小傲不馮尸則妾為之撫也降 [故妾得與其非命婦者齒庶子之喪朝夕奠女君 |凡妾為私兄弟如邦人喪服所||上於爲其父 47 ==

得侷服哉後之論喪服者知分親而已故觀於妾之服 故著其服者不奪人親也妾賤事人於其私兄弟安可 則知禮所以序喪非傳之所能盡矣 母妾之父母其子親之爲外祖父母雖公妾之子亦然 MAXILLI. E

喪期表 說日古之送終者喪期無 皆成服 凡除喪之月算必要諸喪節非徒以日月爲久速也 日而敛 具表其節如左 易親以主 受者成人 服情布受 除疏留自 者祖孫 告於為 月而葬旣葬卒哭 7/11/11/1 除月自處月小 算終滿老功 而其歸俟五 數蓋至 祭.與除.月自者月大 小以算終亦七功 祥不而其歸月九 親死則悲哀自決 期而小能 服主除親 練人 者 登 皆 11111 再期 逾禪祥主 月服後人 除.又易入

之至也為父母則使倍之非徒倍之而已將使之無窮 哀子爲之期夫哀妻爲之期昆弟相哀爲之期三者愛 始猶四時也四時終百物易送終者亦可以已矣故父 故爲之期使其自喪而之祭傳日至親以期斷人之終 則忘凡物之悲其類不死則忘耳先王之爲人道不然 其至親也安有不哀哀之極而毀則殲矣反是極而倦 喪期非使滅也無以為之期則人道息矣且夫人之送 舎匹鳥不再合鸞蟲慈其子物且然兄於人乎聖人為 棄其生者多矣牛馬不以時別則駒慣與母至死不相 イオー

以漸變之期而遷廟則祭之道成然不忍遽同之先人 夫祭者人道之所以無窮焉爾至親相與為 柩藏死事畢矣為之儿筵思所以存之也故服之成布 節三而已尸柩在殯朝夕哭踊衰쬹哭踊之所服也尸 衰經變生者也卒祭之宗廟事死者使同乎生也喪之 服爲祭服苟喪無變除則是吾至親終不可得而存也 也故專為之祭再期則不敢不同之先人矣然後除喪 夫不忍於除喪獨忍於無祭乎哀死者衆人之事故葬 而除同居思所以共存之親者之事故成主於廟而後 H 體始喪

喪者不祭傳日有死於宮中者則爲之三月不舉祭內 曾孫獨齊衰乎大功小功之月算則不屬之主人大功 除主祭者事之終其身再期而同先人之祭則不敢不 者不使之同乎外也外喪之加者亦不使之同乎內也。 者自期而降與期爲同等小功者自總麻進之與總麻。 以爲除不自釋服也孫爲祖期曾孫爲曾祖三月後之 除矣三者喪之節也凡屬之主人者視焉因主人之變 為同等聖人設之以為喪之進退焉故內喪同居之降 說者謂曾孫當用小功之月算非也旣葬主人受成布。 一大岩土

遠其哀樂同之其祭隆者其喪殺其喪隆者其祭殺天 親焉以吾所爲服者皆廟之所有服也喪不除無以爲 子諸侯不敢廢太祖之祭喪自期以下絕矣太祖至尊 有死者亦先人之所戚云爾古者天子諸侯之喪祝 祭故權於死者與吾祭之輕重而爲之喪期之數先 也大夫不敢廢歲祭於三族不過大功士一廟得 道將使亡者如其存也彼哀死而已者同乎物而已 廟之主藏諸太廟卒哭成事而後各反其廟故廟雖 XP3111 廟得編親

一次為長子 子為父 喪位表 附故不盡如喪服文之次要其義亦不甚相遠爾知服義矣婦人以有與丈夫服同名者且有正附間喪之位以士之分親為準今悉如喪服前後列之則 丈夫喪 外服喪者 **妾為君** 妻為夫 女子子在室為父 内服喪者

父為泉子 昆弟之子為世父 孫爲祖父 祖父為適孫 世叔父為昆弟之子 昆弟 石斯衰三年 1 = -母為長子 婦馬 **姑適人無主者爲姪** 無主者爲真昆弟 母為衆子 女子子道人者為父 世叔母為夫之昆弟之子

11115/2/			祖父為庶孫	從父昆弟	右齊衰三月	曾孫爲曾祖父	右齊衰不杖期		
dill.	昆弟之子婦馬夫之叔父	孫婦為夫之祖父	姑爲姪	姊妹適人者為衆昆弟		曾孫女爲曾祖父		女孫為祖父	祖母烏適孫

外孫為外祖父 從祖父為從父昆弟之子 從祖祖父為昆弟之孫 從父昆弟之子為從祖父 昆弟之孫為從祖祖父 從祖昆弟 右大功九月 14 E 祖母為庶孫 從母為姊妹之子 從祖祖母為夫之昆弟之孫 從祖母為夫之從父昆弟之子 從父姊妹為昆弟 昆弟之女子子適人者為世父

曾祖父為曾孫 族父為從祖昆弟之子 外祖父為外孫 族昆弟 昆弟之曾孫爲族曾祖父 從父昆弟之孫為族祖父 從母昆弟 從祖昆弟之子為族父 石小功五月 120-11-1 妻之母爲壻 從祖姑為從姪 昆弟之孫婦為夫之諸祖父 曾祖母為曾孫 從祖姊妹爲昆弟 外祖母為外孫

1 / cw. 1 . 1	右齊衰不杖期			夫之昆弟之子為世母	孫爲祖母	右齊衰杖期	夫為妻	右齊衰三年父在則期	子為毋
114.7		孫爲祖母	婦馬姑	妾為女君	女子子適人者為母			則期	女子子在室為母

昆弟為姊妹適人者 舅為適婦 曾孫為曾祖母 姪為姑適人者 右齊衰三月 ノ名こ **經** 爲 姑 世 叔 為夫之是弟之婦人子 **適人者** 一一為女子子適人者 會孫女為會祖母 姊妹 昆弟之子婦為夫之世母 孫婦為夫之祖母 =

夫昆弟之孫為從祖祖母 夫從父昆弟之子為從祖母 姊妹之子為從母 外孫為外祖母 祖父為孫適人者 從父兄弟為從父姊妹適人者姊妹之女子子為從母 右大功九月 不依主 が為適婦 姪婦為夫之姑 從母為姊妹之女子子 外孫女為外祖母 祖母為孫適人者 昆弟之妻為夫之姊妹

大昆弟之竹孫為族竹祖母 大從父昆弟之孫為族祖母 夫之世叔父為昆弟之子婦 夫從祖昆弟之子為族母 舅為庶婦 右小功五月 が為庶婦 夫之始為姪婦 夫之姊妹為昆弟之妻 娣姒婦 外租母為外孫女適人者 夫租母為庶孫婦 夫之世叔母為昆弟之子婦 夫昆弟之孫婦為夫諸祖母

夫祖父為庶孫婦 壻 為妻之母 夫之諸祖父爲昆弟之孫婦 從祖昆弟為從祖姊妹適人者 從父昆弟之子為從祖姑適人者諸婦為夫之從父昆弟之妻 **姓之子為父之姑** 外祖父為外孫女道人者 「喪紀以服之精麤爲序服麤者在前服精者在後 右緦麻三月 1/4×11:11 夫之諸祖母為夫昆弟之孫婦 兄弟遠之至也父之黨退於彼之親之者使其得親進 之義則知序喪矣內喪夫之黨俠父黨卑者在父黨前 敬察於哀敬之情則知序喪矣婦人之位出者在前入 事先卑者後尊者同姓與異姓同服同姓在前異姓在 **尊者在父黨後卓者視其子親之至也尊者視之如外** 者在後出者出而後降其始重也入者入而後從其始 後偕異姓尊者在前卑者在後同姓相爲良異姓相爲 是已同服卑者在前尊者在後敬事先尊者後卑者哀 輕也出者不以出降則後入者亦以降之也察於出 775

矣婦人之位入者在前出者在後變於外喪入者其終。 於彼之遠之者明己之非遠察於進退之義則知序 於我為黨者也出者其不終於我為黨者也男子重始 先後視此矣凡喪始死哭於室窆哭於墓其位主人西 面親者在其後主婦東面婦人在其後有命夫命婦則 坐無則皆立俠尸柩哭盡哀而止兄弟衆賓不與於踊 人重終察於終始之異則知序喪矣喪服之稱名其 一人同居親者所有事也不在衆人矣朝夕奠即

則亂今夫天子之堂陛九級則莫敢登泰山之坡陀 踊 成辨於喪位者所謂易乎雖然衆必有所以紀之無紀-。 北面 繼之南面西上命夫命婦少進於列主人主婦拜賓要 節而踊饋奠兄弟賓客所有事也至親者爲之主故 有遠近出入有前後以此序之語曰喪與其易也寕 其上非九級之陛高於泰山之巓也等素明焉 西上主婦作階上西面親者婦人以次而北衆資 加於塗人也由塗人觀之不知至親之 1 卷三

歷位而相與言不踰階而相揖言喪位之嚴也故喪服 國門之外大夫士之喪公有司治之孟子日禮朝廷不 雖剺面毀體不足以爲仁其親也古者懸衰冠之式於 算之多極於三年也等至是止爾如使子獨哀其父母。 不得列於位者則不稱其服是烏可爲損益哉 / 20---1 一年使爲之喪主非身

喪服圖說下卷三終				

文帝詔吏民短喪而服君之義微唐以後加異姓服有 周公之 是禮之行缺如而其體存雖然是果存乎哉凡喪服 內外之交麗乎是嫌疑猶與分爭辨訟之端決乎是故 斬衰子為庶母期父為長子同衆子皆期而服父之義 存之也有由然者也人倫具乎是尊卑貴賤親疏長幼 大義三一日父二日君三日宗繼周者喪服三變矣漢 大功袒免而服宗之義微明制 服改制說卷四 禮未有行於今者也而喪服勵存非後之人能 1/2/1 加子為母婦為舅姑皆 南豐吳嘉族學

也古者 義先變何哉變之者亦非後之人能爲之也有由然者 盡心也其書幸詳今枝條節目猶相與奉守之而其大 微先王之道莫敢公訾而顯易之者喪服先王之所尤 是以變之爾古者士大夫有廟則有族廟制不立民 出分他贅家之道已散父且不知所尊而君何爲漢 國無定臣及秦行督責之術民忘君矣且秦人子壯 而 君 世其國臣世其家相與爲 疏骨肉親 私而易合唐因是以變之爾古者田宅受 为 外姻下習化之以為 Ľ 體自戰國並 風俗同姓 則 因

天下之人心亡也政雖舉猶熄也論語日所重民食喪 算焉明因是以變之酮且夫禮之作由人心生也明乎 政熄人存者天下之人心存也攻雖熄易舉也人亡 為榮士大夫知生我之恩莫知象賢之義則曰父母何 之君職業受之父士子既冠傅之疇人各從其父疇學 子兄弟競為行能不相諮稟拙者自求不瞻巧者以 之爲子者思在能繼父而已後世職業廢而智力與父 日文武之政布在方策其人存則其政舉其人亡則其 所以與人之心則知禮之不可以損益也矣孔子 Lake ==

改先王之制者而爲之正其本以俟知禮者折衷焉。 所適矣然則喪服之失豈細故也哉謹條具歷代所 廢 其夫婦始三者皆在喪服矣故喪服者人道之權衡也 民知昆弟自上 而治天下無事矣欲民知父子自上能正其父子始欲 喪服將何以爲權衡乎道者尊親而已以尊易親 仁以親易尊則廢義以其不尊不親者易其至尊至 古之有天下者使民父子昆弟夫婦生相養死相 則等殺無辨而廢禮禮廢而刑益繁民日不知其 能正其昆弟始欲民知夫婦自上 一月 2 能 以 則 送。

禮為君斬衰三年漢文帝遺命羣臣已下葬服大功 謹案古者為君之服資於事父而敬同語曰父子 服不猶愈乎元日主上不除而天下除此爲有父 年傅元以爲難或日不能使天下如禮且主上 者。 以來羣臣並以日易月二十七日除服無終一 子而無君臣乃止然帝猶蔬素終三年自是唐朱 王恩君臣主義服者恩義合而制也臣為 五日小功十四日纖七日釋服晉武帝復行

矣臣爲君斬衰三年日吾君也與哉猶吾父也則 衰三年日吾父也與哉猶吾君也則畏之道極焉 **愛之道極焉矣故君父之服不可以異也異之而** 家國之道散矣夫先王之道非徒以教臣子也亦 不畏不畏則愛之道不可以久也先王之制服以 以教君父父者以君天下之道正其家而可也故 可以久也子為父服恩也有義焉義不至徒愛而 也有恩焉恩不至徒畏而不愛不愛則畏之道不 治之使臣知愛其君而子知畏其父子爲父斬 一老四

禮爲母父卒齊衰三年父在杖期唐上元元年武后。 不可得也 年服。 定朱以後同明孝慈錄復改斬衰自是無齊衰三 請父在爲母終三年服詔依行開元七年復舊三 十年中書令蕭嵩等改修五禮又請依上元敕爲 母是也茍君父之道立雖欲不同乎先王之制亦 道親天下而可也故於一民無所遺詩日民之父 不敢有私愛易日王假有家是也君者以爲父之 21.4

謹案古之臣人者謂之服從猶服之從體也故易 妻衆子則皆齊衰何也以其同所屬也故象其合 亡而所以屬我者絕矣然後爲之斬長子宗所 故君父者人之大經也治絲者經絕則爲斬君父 之始草衣卉服必無所爲緝其齊者齊不緝則合 姓受命者必變服惟喪服不變喪服象其始也 也長子卒則宗之道幾絕故父爲長子亦斬爲母。 者易以散也人與人亦然苟無君父之道則散矣。 而不可以散也先王之制豈徒焉哉必有所以 个老匹

禮婦為舅姑不杖期後唐長與中太常卿劉岳刪定 書儀始奏改斬齊三年宋以後同明孝慈錄復改 乎天婦之道同乎地易日天尊地卑乾坤定矣夫 帥天下者公卿大夫士其妻亦無與焉夫之道同 **尊卑之常而後乃及於變先王之禮夫之不足帥** 並斬衰 其婦也久矣上元之事宜其世之皆以爲法乎 屬家國之道必爲父者專之父不足以專屬易乎 之矣君天下者天子也后夫人 / 12. T 八無與焉承天子以

親也而子已卑自夫之祖父母世父母叔父母至 謹案婦爲舅姑從服也婦人者得自屬其夫而已 夫之黨皆從服今與夫同服不能使婦於舅姑盆 期是親之至也不可得而加矣且臣妾之從君服。 婦人無二斬不能二天也今使爲舅者與夫同服 以為等也進之則議是服者亦知其不可矣傳日 爲舅姑斬爲王舅姑者遂殺而至於大功此不可 於諸祖父母將皆進之使與夫同服乎不進之則 此不可之甚也故先王之制使異姓者服喪至於 卷中

禮士爲庶母總麻三月婦爲夫之庶母無服明孝慈。 焉。爾矣。 循是國也而王之號不尊後世斬衰之服亦若是 古者天子謂之王王之號至尊其後列國稱王國 錄始改適子衆子及子婦皆為庶母齊衰杖期初 為至重哀其所屬者絕也斬衰之倫多則將不重臣及僕贂乘之道也亦卑其婦矣服之道以斬衰 故其從夫服也得降一等今惟夫所服斯服是近 有不降者近臣及僕擊乘之類是也婦與夫齊體 1/4/4

君父教其臣子使為禮必以身先之成穆薨明 謹案家之治成於父故父所以服其妻妾之服 庶子為生母服三年衆子為庶母期自此始 **欲殺太子太子遂驚悸病薨乃敕儒臣作孝慈錄** 服三年東宮諸王皆期懿文太子諫日陛下貴爲 天子而臣制此服非所以敬宗廟重繼世也帝怒 成穆貴妃孫氏薨帝以妃無子命周王棣行慈母 敢踰也國之治成於君故君之所不服臣子亦 敢服也古之道所以尊其君父者可謂至矣故 4

使之不名妾不可得也今之妻妾失序者有司將 而後行至則見於夫之宗廟者妻之道否則雖欲 異之於其始而已其始男先下乎女待父母之命 王之力亦不能使之貴也有家者必貴妻而賤妾 為之變服則誰敢不變者然而已不為之變服亦 以是令於天下後世謂之孝慈可乎夫道之本貴 其子使不孝也卒禍其冢適以亂數世是不慈也 者雖帝王之力不能使之賤也道之本賤者雖帝 知其有不可也已之所不為强其子使為之是强 11年1 1

禮父為長子斬衰三年母為長子齊衰三年孝慈錄 蓬索禮父為長子斬豈報其服我而已乎臣為君 其母而可此又其不可行之明驗也。 始改父母爲適子皆齊衰不杖期與衆子同 **斬妻為夫斬皆不報獨父報乎禮長子死必立適** 弟庶者之母也如是則五服之倫皆當爲庶者服 弟從服其庶之毋則從父昆弟亦當從服從父昆 則是夷於世叔父毋也其為失序也幾何哉夫昆 使治之然而使適之子從於庶昆弟爲其母服

禮爲適孫期祖父母同服今律祖父爲適孫期祖母 徒庶子而已凡非世祿者則無是服也故斬之服 繼先人之世也小胖大群宗與宗婦皆有事焉父 孫為之後長子之喪成于適室適孫服喪在于阼 服皆衆子而已此古今之世異也 為宗廟服也後世士大夫無世祿之義則其爲子 於適室則父且為之辟寢不為之服斬得乎長子 而父為之拜賓及其利于廟也必父主之夫喪成 毋不同為之三年得乎傳曰庶子不為長子斬豈 はない

禮為邁婦大功九月庶婦小功五月唐貞觀中魏徵 等請加適婦齊衰不杖期衆子婦大功九月今律 為適孫大功祖父為適孫之婦小功祖母總 按禮正文無適孫婦服。 謹案唐制為長子猶三年故其妻降 同。 此編纂者之過古禮今制胥失之矣適孫婦亦然。 謹業適孫之義自長子出也不立爲後則無長子 之名况適孫乎且為適孫加於庶孫祖父母何異。 7 1 等期今適

禮妾爲君之父母正文不著傳日妾爲君之黨服得 禮爲曾祖父母齊衰三月不言高祖父母今律為曾 之過與適孫同 不杖期。 與女君同今律婦爲舅姑斬衰妾爲家長父母猶 謹案爰服喪已具前論今進婦與子同服父母斬 乃得自除服豈所以事女君乎。 子與眾子同期適婦猶加於眾子婦此亦編篡者 而妾為君之父母與女君始異服女君未除服妾 **| 24.** | | | Į

常人者其子孫雖遠庸詎可以無服乎苟徒以三 月五月辨之不且有時而窮乎故治近者欲其辨 言遠凡不逮事者則爲高祖人之生以百年爲期 謹按此鄭氏說也蓋不明乎喪之正節矣夫齊衰 祖父母齊衰五月為高祖父母齊衰三月 治遠者欲其通通而後不可窮也服之正等三 則逮事者固至於五世而極矣然或有上壽逾平 人以世別也曾之言重凡逮事者則爲曾祖高之 一月者以宗之道服之古之稱曾祖高祖非若後 ラギロ

禮爲人後者爲其父母期報無本生世叔父母今律 護按喪服以所服者尊卑為先後今律以服喪者 者有本生父母服無本生世叔父母服以宗之義 服或反鉄若此者非一皆編纂之失矣禮爲人 母報服叉不見為人後者為本生世叔父母服 加為已兄弟之子為人後者大功蓋本生世叔父 無未可以爲據矣 **尊卑為先後於是先見尊者為卑者服而卑者之** 已然其道至于無窮鄭氏之說固喪服正文之所 1 3k II

禮庶婦小功五月爲昆弟之子婦不著服蓋在庶婦 內家之所統子有親疏婦無親疏所以治異姓心 唐貞觀中魏徵等請舅姑爲衆子婦大功九月開 從所後者之宗廟為族自同父以往視其廟中之 王父母則是以事宗廟之道親之矣爲人後者當 母之名謂之祖同之於遠者世叔父母之系從乎 不可以二也若旣後大宗又為本宗徧降一等是 一也父母昆弟不可得而易以其為天屬也王父 为名口

姓之大功爲婦人大功者惟姑姊妹女子子其斂 遠之而已是故與昆弟之子娲檗之日庶婦若 也得與聞乎親者之事矣舅姑於子婦則否記曰 婦人不飾不敢見舅姑故舅姑之於子婦義在於 謂之親者小功與總爲等謂之兄弟故古人無異 此家之泉婦人焉爾道在乎親者喪服示之以進。 謹按大功小功同為功服而等異大功與期爲等 大功故今律二者皆大功服 **兀禮以下皆因之為昆弟之子婦舊說以為報服**

禮爲兄弟之妻及爲夫之兄弟皆無服記曰蓋推 爲服其存也娣姒相爲近其亡也娣姒相爲哀。 無相接之道也爲兄弟之妻不在服位使娣似 朝夕鮘奠也朋友爲飲食之衆爲之答踊服其服 謹按古之義事死如事生事亡如事存故喪者非 遠之也唐魏徴等請服小功五月今律同 道在乎遠者喪服示之以退此先王制服之義 徒以哀死哭泣而已其大小蚁也衆爲衣服之其 以稱其事而已故其生存所不相接者於其死。 1970

應天之姑姊妹為姪昆弟之妻報服小功今律脫 們以服之是代其兄服也罪之甚矣故曰先王制 為嫂服齊衰日吾事之如母也雖然使其兄在將 禮為舅總麻三月舅為甥同唐貞觀中魏徵等請加 從母報皆小功今律同 舅小功五月與從母同舅為**甥猶總顯慶**中始 選 強 此 文 有 不 備 應 補 入 爲之遠者彼其弛然已死而不敢廢也昔韓退 THE STATE OF THE S

禮爲人後者爲其姊妹適人者小功今律加爲其姑。 禮 無高祖父母為元孫服今律與晉孫同 述按 服當同舅總也後世於禮服皆不敢議滅而議加。 謹案坊之義猶世叔父也當視其所後為疏戚矣。 謹 適人者亦小功 **曾孫者通於四世以外詩曾孫之稼** 大槩若此矣加者其名也減者其實也 按從母服隆於舅傳謂之以名加則從母之正 **總亦遠者之通服傳口同繫總是也古所謂** 耞。

禮爲從父兄弟之妻爲夫之從父兄弟皆無服明孝 禮爲乳母總註謂父妾養已者今律爲庶母加至杖。 謂之慈母故妾有子而子有母相養焉則乳母而謹按父妾無子養子之無母者父命爲之母然後 謹拨 慈錄始服總 是蓋律失未改正。 期猶存此服或謂乳母猶今傭雇乳婢按此說非。 已名者人治之大非事吾父者不得謂之母也。 此因加嫂叔之服遞加之 1/12 5

禮婦為夫曾祖父母無服蓋遠不相及今律為夫之 夫之曾祖父母夫齊衰三月妻從服當**總**麻三 高曾祖父母皆然此通服之義也 謹按婦爲夫之祖父母從夫降一等大功若逮事 高曾祖父母總 矣然而有可得而變者有不可得而變者喪服。 親者而後乃爲之服也必先易其所以尊親者。 右皆今律與禮經異者夫今之制變於古者多 人之本也不可得而變矣故必先致其所以寫 力先世

修聖人之經則百世莫與易故敢守禮而條 之 其所以改制以待夫誕律者并擇焉嘉賓謹 之制傳諸律使執法者有所輔治而已以先聖 而後及於其服也豈細故也哉 禮垂諸經使誦讀者思其義今律每十 1/8四 國家以後王 车 識 論

喪服改制說卷四終 137